- **D**ô was mîn hêr Gawan sô gezimiert ein man, daz ez si lêrte riwe, wande si heten triwe,
- 5 die des boumgarten pflågen. si stuonden oder lågen oder såzen in gezelten, die vergåzen des vil selten, sine klageten sînen kumber grôz.
- man unt wîp des niht verdrôz,
  Genuoge sprâchen, den es was leit:
  »mîner vrouwen trügeheit
  wil disen man verleiten
  ze grôzen arbeiten.
- 15 ouwê, daz er ir volgen wil ûf alsus riwebæriu zil!«
   Manec wert man dâ gein im gienc, der in mit armen umbevienc durch vriwentlîch enpfâhen.
- 20 dar n\u00e3ch begunder n\u00e3hen einem \u00f6lboume; d\u00e3 stuont daz pfert. ouch was maneger marke wert der zoum unt s\u00e3n gereite. mit einem barte breite,
- 25 wol gevlohten unde grâ, stuont dâr bî ein rîter dâ über eine krücken geleinet. von dem wart ez beweinet, daz Gawan zuo dem pferde gienc.
- 30 mit süezer rede ern doch enpfienc.

in den g., \*G (nur G)

wîp unde man \*G (nur GI) den ez was \*T

ez om. \*T

\*D: D \*m: m \*G: GILZ \*T: TUVO

 $\textbf{1} \textit{ Initiale D G I L Z O} \cdot \textit{Majuskel T} \quad \textbf{11} \textit{ Majuskel D} \quad \textbf{17} \textit{ Initiale T U V} \cdot \textit{Majuskel D} \quad \textbf{23} \textit{ Initiale I}$ 

7 sâzen] sæzen D 8 die] si (So m) \*m 17 dâ] om. \*m 22 ouch was] ez was (auch was ez I Daz was V) \*m (I V) 23 sîn] daz \*m I 27 krücken] brücken \*m (Z) 28 beweinet] geweinet \*m